

王建詩集卷第六

上海圖書館歷史文獻研究所編

寄杜侍御

# 歷史文獻

## 第二輯

宿城南看野泉道氣清凝分曉爽詩情冷瘦  
秋鮮學通儒釋三千卷身擁旌旗二十年表  
徧過同戶飲暖窻忽時語對床眠破除心力  
癯傷損花枝為酒顛今

上海科學技術文獻出版社



# 歷史文獻

第三輯

上海圖書館歷史文獻研究所編

上海科學技術文獻出版社

责任编辑：储文瑞

封面设计：石亦义

### 图书在版编目（CIP）数据

历史文献. 第3辑/上海图书馆历史文献所编. —上海：上海科学技术文献出版社，2000. 2

ISBN 7-5439-1528-6

I. 历... II. 上... III. 历史-研究-中国-文集  
IV. K207-53

中国版本图书馆CIP数据核字（2000）第13699号

## 历史文献

### 第三辑

上海图书馆历史文献研究所 编

上海科学技术文献出版社出版发行

（上海市武康路2号 邮政编码200031）

全国新华书店经销

江苏常熟人民印刷厂印刷

开本 850×1168 1/32 印张 11.5 插页 2 字数 298 000

2000年4月第1版 2000年4月第1次印刷

印数：1-1 500


ISBN 7-5439-1528-6/Z·919

定价：36.00元





張之洞致陳寶箴手札



《三大征考》章炳麟題跋





宋拓本《淳化閣帖卷九》卷首及卷尾

《華僑努力周報》許傑題跋（左）《萍》陳白塵題跋



## 編纂委員會

顧問	王元化				
主任	王鶴鳴	馬遠良			
副主任	王世偉				
委員	王鶴鳴	馬遠良	王世偉	王煦華	
	陳秉仁	祝均宙			
編輯部主任	王世偉				
成員	王煦華	黃志偉	許全勝	周松青	
	梁穎				

## 目 錄

- 王國維致劉承幹尺牘 ..... 梁 穎 整理(1)
- 弢翁詩詞存稿 ..... 周叔弢 撰 周景良 輯錄(9)
- 上海市私立合衆圖書館發展史料二則 ..... 王世偉 整理(18)
- 緩齋藏書題記(三) ..... 顧頡剛 著 王煦華 整理(22)
- 上海圖書館善本題跋選輯·史部(續) .....  
..... 侯怡敏 郭立暄 陳先行 整理(44)
- 許廣經籍題跋·別集(續) ..... 胡玉縉 著 吳 格 整理(89)
- 曾國藩致張運蘭書札 ..... 陳秉仁 輯註(125)
- 陳寶箴友朋書札(一) ..... 許全勝 整理(149)
- 胡樸安友朋尺牘(一) ..... 宣 華 整理(163)
- 葉恭綽友朋尺牘(一) ..... 柳岳梅 梁 穎 整理(186)
- 《史記》宋本書錄 ..... 汪紹楹(210)
- 跋伊墨卿《留春草堂詩鈔》 ..... 周小英(223)
- 理碑散記(一) ..... 孫啓治(235)
- 宋拓棗木本《淳化閣帖》卷九考 ..... 仲 威(246)
- 毛先舒年譜 ..... 谷輝之(253)

龍溪盛氏義莊規程 .....	王 宏 整理(292)
中英商約會談紀要(續) .....	周松青 整理(307)
盛宣懷、嚴滌往來信札(續) .....	房 琴 整理(318)
哈同、盛宣懷往來信札 .....	鄭村聲 整理(342)
上海圖書館館藏年畫與亨利·多雷 .....	高洪興(344)
上海圖書館館藏近代珍罕報刊名家題跋錄(一) .....	張 偉(350)
後記 .....	王世偉(360)

## 王國維致劉承幹尺牘

---

□ 梁 穎 整理

海寧王靜安國維先生致吳興嘉業堂主人劉承幹翰怡手札，凡九通，輯自劉氏自存之友朋尺牘，均為《王國維全集·書信》（北京中華書局一九八四年版）所未及收入者，茲予整理刊布。同時自劉氏函稿中錄出其致靜安先生兩札，并附於後，以備參觀。

—  
1917年8月25日

翰怡先生大人有道：

自春徂夏，久闕起居，辰維道履多勝為頌。敬啓者：近日研究吳縣蔣氏所藏唐寫本《唐韻》，頗有新得。惟蔣本僅存四、五兩卷，無從窺見《唐韻》全日。宋內府所藏後入元內府者亦係殘帙，惟魏霍山所藏尚是完本。鶴山有《唐韻後序》，載文集中，而《鶴山集》不獨宋刊為海內秘笈，即明銅活字本亦稀如星鳳。近聞孫氏宋本已歸鄰架，歡喜無量。不揣冒昧，意欲求代請隘庵先生檢魏集，并飭人鈔出集中《唐韻後序》一篇見賜。感荷盛情，曷有既極。附呈前在日本時所刻詩一卷，乞晒存并教正。專肅，敬請道安，諸惟垂照不宣

王國維再拜 七月初八日

按：是札作於丁巳年（民國六年）七月八日。先生自丙辰（民國五年）由日歸國，就滬上哈同氏《學術雜誌》編輯之職。至是年，治學重點由卜辭轉及於音韻之學，於六月撰成《唐韻別考》；八月，復撰成《韻學餘說》、《兩周金石文韻讀》，旋致力於吳縣蔣氏藏本《唐韻》之研究。《唐寫本唐韻校記》自序云：“唐寫本《唐韻》，存卷四卷五兩卷，卷四之首及中間又有闕葉。藏吳縣蔣伯斧黼部郎家。部郎曩跋此書，謂此書雖名《唐韻》，實陸法言《切韻》原本，去歲余作《唐韻別考》，舉十證以明此書是孫愐韻，非法言韻，蓋幾於論定矣。考孫愐書在唐時別本至多，書名亦不一。（中略）此本亦當時傳寫者之一，故謄奪往往而有，然《唐韻》規摹已具於是。又天壤間僅此孤本，故竭數月之力，為之校讎。以《唐韻》及他書所引《唐韻》勘其字，以大徐《說文》所用孫愐反切校其音，成校勘記二卷。復集他書所引《唐韻》此本所闕者為佚文一卷，與原本并行，世之治韻學者，或有樂於是歟。”致函劉氏鈔錄《唐韻後序》，正為此也。至戊午（民國七年）五月，撰就《唐韻校記》，并輯成《唐韻佚文》。

監庵：孫德謙。

附：劉承幹復王國維函稿

致王靜安 七月初八日

靜安先生著席：

昨奉手書，快如良覿，又拜大著《壬癸集》一卷，雜誦再三。《頤和園》一篇，可與元微之《連昌宮詞》并傳，以外各詩，言中有物，隱寓杞憂，不媿才人吐屬，敬佩敬佩。承囑代錄《鶴山集》中彩鸞寫韻詩序，鸞簫仙跡，本不易覩，事閱數千年，我公竟從吳縣蔣氏窺之，雖非全豹，已為海內秘笈，眼福洵不淺哉！序文附上，敬希督收。附上拙刻數種，聊以伴函。我公潛研向學，名重藝林，拙刻烏烏亥豕，訛偽滋多，倘蒙賜覽之餘匡其疵謬，俾獲遵改，以成完書，幸甚

感甚。尚泐貢謝，敬請台安。

二

1917年11月8日

翰怡先生大人執事：

違教匝月，敬維起居多勝爲頌。敬啓者：舊友日本京都大學教授內藤博士虎次郎頃以調查學術至滬，與其弟子議員高橋君及稻葉君俱。內藤君係日本漢學大家，稻葉君亦專門研究本朝史事者，久仰收藏之富，欲一觀插架，擬於明日午後三四時奉詣，乞爲介紹。此次內藤君來，意欲一觀《宋會要》稿本，其餘宋元本書亦祈略示數部。內藤君在滬勾留無幾日，故不能預請尊處定一日期。明日如台端寡暇，即請沈君招呼亦可。渠今日已晤乙老，明日先訪子琴，隨詣公處，維當與之同詣前也，專此奉聞。明日是否相宜，祈賜覆爲幸。敬請

道安，不一

王國維頓首 廿四日下午七時

接：是札作於丁巳年（民國六年）九月廿四日。先生自辛亥（民國元年）十月隨羅振玉氏東渡，至丙辰正月歸國，寓日本四年餘，與彼邦文人學士多有交往，內藤虎次郎、藤田豐八諸人均其舊友也。日本學者至中國訪書問學，亦多由雪堂暨先生介謁。

乙老：沈曾植。 子琴：楊鍾羲。

三

1918年11月

前日羅叔翁介紹至尊處觀書之藤田君，擬於明日或後日奉謁，未審執事得暇否？藤田君意以明日尤佳，造府以何時爲宜，祈均見示。叔翁今晚赴東，藤田君來時當由弟偕詣也。專肅，敬請

翰怡先生大人台安

弟王國維再拜

按：是札作於戊午年（民國七年）十月。

叔翁：羅振玉。

#### 四

1919年12月18日

翰怡先生執事：

頃接賜書，敬審起居為頌。尊藏王禎《農書》前由益翁交來，月初小兒赴津，即令携往叔翁處矣。日本所有宋本《禮記正義》乃足利學校所藏，山井鼎《七經孟子考文》所據宋本即是本也。叔言住天津英租界墻子外張莊東金家花園內，有函可寄彼處。肅復，敬請撰安，不一

弟王國維再拜 廿七日

按：是札作於己未年（民國八年）十月廿七日。

益翁：孫德謙。

附：劉承幹致王國維函稿

復王靜庵 十月廿六日

靜安先生惠鑒：

久未晤教，思何可支，連朝苦寒，起居住勝。前交羅叔蘊學部一簡，敬承一一。叔翁囑假《農書》，曾託孫益翁轉奉，計荷鑒及，已轉寄天津否？念念。前年叔翁云及日本有宋刊《禮記正義》全書，弟心輒慕之，曾託其代為假影，後以該處人士不願取出，遂爾作罷。唯是書是否藏在竹裏文庫，弟一時遺忘，我兄諒必知之，尚祈惠示為敏。又，叔翁天津寓址亦祈一并示及，以便通訊，尤為拜禱。專此，敬請爐安。

弟功劉□□頓首

## 五

1920年4月30日

翰怡先生有道：

違教數旬，殊深想望，敬維起居多勝爲頌。敬啓者：昨在孟蘋處見尊刊《嘉業堂目錄》，選擇之精、蒐羅之富，爲近刊叢書中所未見，曷勝欽佩。經疏一類，尤與學術有裨。前承賜《周易》、《禮記》二種，已納高誼，茲審《詩》、《書》、《左傳》、《穀梁正義》并《儀禮注疏》均已告成，用敢奉求各惠一部，感荷無量。弟近於宋元本正經正史頗加研究，知諸經單疏刊於北宋，南渡後曾覆刊一次，蜀中亦有刊本；而南渡後所刊之疏，其板之大半明代尚在南監，不知何以印本流傳如此之少。又考得注疏合刊始於浙東庾司本，當時所刊共有六經，皆在南渡後。今傳世之半葉八行、行十六字至十八九字者，皆浙東刊本也，不附釋音，不改單疏，卷數與建本絕不同。若今流傳之十行本，雖出建本，恐又他處所翻，尚未考出。惟有建安劉叔剛宅鋟梓牌子者，乃真建本也。蜀中亦有注疏，則常熟瞿氏所藏平水翻刊《尚書注疏》似出蜀本，以與越、建二本均不同故也。於經注本，則知日本翻九行大字本《爾雅》乃五代監本舊式，近商務印書館所印之《孟子章句》行款亦同，乃南宋監本也。於正史，知九行大字本前四史與南北朝七史亦係北宋監本，南渡後又重翻。近人以爲蜀大字本者皆非。七史蜀亦有翻本，然今日流傳者皆江南翻本，非蜀翻本也。觀《史記》與南北朝七史板在南監，可知其非蜀本也。因此欲作一《宋元本正經正史考》并《浙本考》二書，因所見未多，將來尚擬一觀尊藏，以備參攷。因公素喜言板本，故略以近所得者奉聞。專肅，敬請

撰安，不一

弟王國維頓首 十二日

按：是札作於庚申年（民國九年）三月十二日。先生自己未年起，應烏程蔣孟蘋汝藻之聘，繼吳縣曹君直元忠任編纂《密韻樓書目》。同年，嘉興沈乙倉曾植就任《浙江通志》總纂，聘請吳子修慶坻、朱古微孝臧、金甸丞蓉鏡、葉柏皋爾愷、章一山棧、喻志韶長霖、陶拙存葆廉、劉翰怡承幹、張孟劬爾田及先生為分纂，是以先生多留心典籍版本，尤注意浙省版刻，然《兩浙古刊本考》、《五代兩宋監本考》至壬戌（民國十一年）初始撰就草稿，蓋仍有待於增訂也。

孟蘋：蔣汝藻。

## 六

1920年9月30日

昨奉手書并惠假《金陵新志》，已略檢一過，所欲錄數條即行錄出，謹奉還鄴架。一緘之借，感何可言。異日尚擬詣前一鈔尊藏大字本《史記》後校刊銜名，并稍覽他書。如以晚飯後奉詣，想值清暇也。專肅鳴謝，敬請  
翰怡先生大人撰安

弟國維再拜 十九日

按：是札作於庚申年（民國九年）八月十九日。

## 七

1923年5月10日

翰怡先生大人有道：

在滬荷盛錢，感謝無既。臨行前尚欲於昏時詣談，而小有感冒，因之中止。比公走送，亦失迎迓，至以為歉。別後於十三日抵津，十六日入都，二十日謝恩。現尚未定入值辦法，俟四人到齊再定也。此間消息反甚隔膜，現政潮又起，議會又有通過閣員之事，想前案無暇議及，亦聞有主張疏通一小部之說，未得其詳。弟現暫

寓東華銀行，尚待覓屋。芷甦已覓一屋，在北池子左右，亦尚未遷入也。專肅，敬請  
撰安，不一

弟國維頓首 廿五日

醉愚先生前請致候道謝，不另。

按：是札作於癸亥年（民國十二年）四月廿五日。是年初，清內廷擬選海內碩學入值南齋，升素庵允以先生薦。三月初一日奉諭旨：“楊鍾羲、景方昶、溫肅、王國維均着在南書房行走。”先生於四月十日束裝由海道北上，抵京後，分函致滬上友人蔣汝藻、陳乃乾、徐乃昌等，報告抵京情形，并申謝意，是札亦其一也。

芷甦：楊鍾羲。

## 八

1924年8月9日

翰怡先生有道：

昨奉惠書，至為忻慰。子勤生辰係本月十一，去歲逢九，旗俗以九為重。曾蒙賜壽內廷，同人亦以詩屏祝之，今年別無舉動，謹以奉聞。弟自入都以後，對滬上諸友書問甚踈，緣裏邊情形千條萬端，無從說起。即如今春內務府改革一事，主其事者固不免魯莽滅裂，而阻撓者心事更不堪問，遂因內訌以召外侮。然根本之痛尚不在是，今日所最亟需者，孟子所謂能格君心之大人，然當世詎有其人？有亦何從得進身為近臣？絲毫無所補益，徒呼真真而已。此次直隸大水，西陵因山洪暴發，被災尤重，梁格莊工事恐須重加修整。兄於秋涼後有來京計劃否？昨日立秋，或能不再降雨，否則北方幾全有其魚之歎，此則在天意矣。肅復，敬請  
撰安，不一

弟國維頓首 初九上午